

**ԱՐԹԱՐ ԿՆԻԿՆ ՈՒ ՀԱԼԱԼ ԶԱՎԱԿԸ / Հայ ժողովրդական հեքիաթներ, Հատոր VIII /
Գուգարք (Լոռի), Լոռու բարձրագույն (խոսվածք)**

Ըլում ա, չի ըլում մի մարթ, մի կնիկ: Մի իրեք խորթ ախչիկ են ունենում, կարում չեն պիտի:
Մարթը գնում ա տենում մի խնձորի ծառ, վրիցը խնձոր ա քաղում, բերում ա տուն: Ըրեխեքն
իրար ձեռից խլում են, ուտում:

Ասում են.— Հայրիկ ջան, էս որդիա՞ն ես բերել:

Ասում ա.— Վախիլ մեք, ըռավոդը ձեզ կտանիմ ծառի տակը, թափ կտամ, կուտեք:

Կնիկն ասում ա.— Մենք սոված մնացինք, մեր ձեռիցը խլեցին՝ կերան, տար դրանց մի ֆոր
փորե, մեչն ածա, էն խնձորնին էլ մենք կուտենք:

Էնա ըռավոդը մի ձունձ ա վի ունում, ծերքին գնում ա ծառի տակին մի ֆոր փորում, ձունձը վրեն
փորում, ըրեխեքը գալիս են, ինքը ծառին վեր ա ըլում, թափ տալի: Ըրեխեքը վրա են դառնում թե
հվաքեն, ֆորն են դառնում:

Հերն ասում ա.— Ձունձը տվեք՝ ձեզ հանեմ:

Ձունձը տալիս են, ինքը մի ջղացաքար ա բերում, գձում ֆորի բերանը, նրանց թաղում ա, ինքը
գնում ա:

Մի իրեք օր էն ձնձի հետ վեր դառած խնձորիցն ուտում են, եղնա սովում են:

Էրկու վենձն ասում են.— Էկեք մեր պուճուր քվերն ուտենք:

Ասում ա.— Ինձ ուտիլ մեք, էս էնքան կփորեմ, որ բան կգդնիմ, ձեզ կտամ՝ կուտեք:

Էնա մատով փորում ա, փորում ա, ցորեն ա գդնում, գարի յա գդնում, տալիս ա իրանց՝ ուտում են,
ինքը մատը լիզում ա: Մին էլ փորում ա, մի էսդար կտուր ա բաց ըլում (ձեռքով մեծությունը ցույց
է տալիս)¹ տենում ա Էրկու ձի կապած, աղաքը խուրմեն լիքը: Փեշեփեշ կրում ա, տանում ա
քվորտանցը պիւրմ:

Նոքարնին գնում են թաքավորին ասում են, թե.— Թաքավորն ապրած կենա, ձիանունն ինչդա
խուրմա ենք տալիս, բան չեն դառնում, կտուրը կալած, դուռը կալած, գիղենք ոչ էդ ինչն ա
ուտում:

Ասում ա.— Փասարը պիտեցեք՝ գդեք:

Գնում են խուրմեն ձիանու աղաքն ածում, փասարը պիւրմ են, հլե մին էլ տենում են մի հուր ու
մալաք ախչիկ դուս էկավ, խուրմեն փեչը լցրուց: Գնում են ու բռնում:

Ասում ա.— Ես քվորտինք ունիմ, յավաշեք նրանց էլ բերեմ:

Գնում ա բերում, տանում են թաքավորի կուշտը: Թաքվորն էն պուճուրին ա ուզում, էն Էրկուսին
էլ իրա նազընուն ա տալի:

Հարցնում ա.— Ի՞նչ շնորք ունիք:

Էն վենձն ասում ա.— Ես հենց խալիչա կգործեմ, որ քու դոշունը վրեն նստի, կեսն էլ ծալած
մնա:

Էն միչնեկն էլ ասում ա.— Ես էլ մի ձվից էն թավուր ձվաձեղ կանեմ, որ քու դոշունն ուտե, կեսն
էլ մնա:

Էն նաչար պուճուրն էլ ասում ա.— Ես դրանք գիղեմ ոչ, հմա մի տարեն վրա մի ոսկե
քանքուլավոր տղա կբերեմ: Էնա տարեն վրա բերում ա:

¹ Ծանոթությունը բանահավաքինն է.—Մ. Կ.:

Նա որ բերքը և, քվորտինքը չաթ ու բողազ են ըլլում, չունքի իրանցը սուտ էր: Էնա գնում են տատմորը փող են տալի, ասում են.— Տար դրան կլուէ, բեթարափ արա, մեր շունը վեր ա տվել, էրկու լակոտ տար գձե դոշը, թող ծծեն:

Տենց են անում:

Խաբարը թաքավորին ա հասնում, ասում ա.— Գնացեք դոան տակին մի ֆոր փորեցեք, դոշիցը հետ միջին դրեք, թուլենին թող ծծեն, կրծեն, ման գան, կրծեն՝ ման գան, անց կենտոն էլ վրեն թքե:

Էն քյավթառն էլ տանում ա էն ըրեխին փթաթորում ա, ջղացի ցոթոնն ա գձում:

Ջղացպանին ջիւմ ա, տանում ա ասում ա.— Այ կնիկ, մի սիրան ըրեխա եմ գդել:

Էնա ուրախանում են, մի էծ են ունենում, իծի կաթով պիւր են: Էն ըրեխեն էլ ով տարով ա վենձանում, նա՝ օրով ա վենձանում, մի օխտը տարեկան ա դառնում, իմաստուն տղա յա դառնում:

Թաքավորն ասում ա.— Բա ես թաքավորն ըլիմ, բա իմ կնիկը շան լակոտնի բերե՞, թող չիմն էլ ըրեսին թքեն, բալքի սիրտը ճաքի, ինքն էլա մեռնի:

Թաքավորը վենձ պատրաստութիւն ա տենում, տունը մինը կանչում ա, որ գան կնգա ըրեսին թքեն, եդո գան հաց ուտեն— գնան: Էնա չիմն էլ գալիս են թքում, անց են կենում, էն իրան տղեն, որ գալիս ա անց կենում հա, թքում չի:

Ասում են.— Թքե, թքե. թքում չի. որ շատ ասում են հա, ասում ա.— Թուքը թքողանց, մուրը մրողանց, ես ո՞նց թքեմ իմ ծնողանց:

Էնա ըտի անգաճ են դնում, ասում են.— Բա էդ ո՞նց ա, ինչ ա:

Ասում ա.— Բա, սա իմ մերն ա, իրա խոսկի տերն ա էլել, իմ մոքիրնին չաթ ու բողազ են էլել, քավթառին ասել են, ինձ տարել ա գձել ջղացի ցոթոնը, թուլենին են մորս դոշը գձել, ջղացպանն էլ ինձ պիւր ա:

Էնա նոր կանչում են քվորտանց մարթկերանցը, ասում են, ու էն քավթառին ու էն քվորտանցը ձիանու պոչիցը կապում են, քաշ տալի, վենձ թիքեն անգաճն են թողում: Նոր էն նաչարին ընդիյան հանում են, թամզում են, լեղացնում, կնքում են, նոր թաքավորի հետ մարթ ու կնիկ են ըլլում: Էն ջղացպանին էլ մի բոլ ոսկի են տալի, պատվում են, ճամփու դնում: Պրծնիս ամեն ցավից-չոռից, ինչ պրծնում են: